	Broj: 02-8/101-1 21. M 24 god.	Vijeće Fakulteta 21.11.2024	Obrazac ZR5
UNIVERZITET U SARAJEVU – ODABRATI FAKULTET/AKADEMIJU! IZVJEŠTAJ KOMISIJE ZA OCJENU I ODBRANU ZAVRŠNOG RADA			Stranica 1 od 3

**KOMISIJA ZA OCJENU I ODBRANU  
ZAVRŠNOG RADA NA DRUGOM (II) CIKLUSU STUDIJA**

- Vijeću -  
Filozofskog fakulteta

**I Z V J E Š T A J  
KOMISIJE ZA OCJENU I ODBRANU ZAVRŠNOG RADA**

Odlukom Vijeća Filozofskog fakulteta broj 03-08/70-1, od 29. 3. 2024, imenovani smo u Komisiju za ocjenu i odbranu završnog rada na drugom (II) ciklusu studija studentice **Ajle Bešlije** pod naslovom:

**Korelacijske zavisnosložene rečenice u bosanskom jeziku**  
**Complex sentences with a correlative subordinated clause in the Bosnian language**

Komisija je u sastavu:

1. prof. dr. Halid Bulić, predsjednik,
2. prof. dr. Ismail Palić, član,
3. doc. dr. Azra Hodžić-Čavkić, član.

Mentor je rada prof. dr. Ismail Palić.

Shodno Pravilima studiranja za prvi i drugi ciklus studija, integrirani, specijalistički i stručni studij na Univerzitetu u Sarajevu, studentica je podnijela Zahtjev za ocjenu i odbranu završnog rada i priložila sljedeće:

- pismenu saglasnost mentora da rad ispunjava kriterije navedene u obrazloženju teme,
- tri neukoričena primjerka rada – radna verzija,
- izvještaj iz službene evidencije o ispitima i (E)CTS bodovima.

Komisija konstatira da je studentica položila sve ispite i izvršila druge obaveze predviđene studijskim programom.

Nakon što se upoznala sa sadržajem rada, Komisija je ocijenila da se studentica **Ajla Bešlija** pridržavala teme za izradu završnog rada. U nastavku se daje kratak rezime završnog rada:



Obrazac ZR5

Stranica 2 od 3

UNIVERZITET U SARAJEVU – ODABRATI FAKULTET/AKADEMIJU!  
IZVJEŠTAJ KOMISIJE ZA OCJENU I ODBRANU ZAVRŠNOG RADA

Završni rad kandidatkinje Ajle Bešlije obaseže ukupno 41 str. teksta (formata A4, proreda 1,5). Sastoji se od devet dijelova, i to: (1) Uvod, (2) Historijat istraživanja korelacijskih zavisnosloženih rečenica u slavistici, (3) Teorijsko-metodološki pristup korelacijskim zavisnosloženim rečenicama u bosanskom jeziku, (4) Vrste i obilježja korelativa, (5) Korelacijske zavisnosložene rečenice u bosanskom jeziku, (6) Korelacijske klauze nesupstitucijskog tipa, (7) Zaključak, (8) Izvori i (9) Literatura. Rad sadrži i Sažetak na bosanskome i engleskom jeziku. U Uvodu se objašnjavaju osnovni zadaci i ciljevi rada. U drugom poglavlju daje se pregled historijata problema istraživanja u južnoj slavistici. U trećem poglavlju definiraju se ključni pojmovi i odabire teorijsko-metodološki pristup. Kandidatkinja se opredijelila za pristup koji je primijenjen u Belaj–Tanacković Faletar (2020). U četvrtom poglavlju raspravlja se o vrstama i obilježjima korelativa. U petom poglavlju, koje je centralno i najobimnije, pristupa se raspravi, analizi i predstavljanju rezultata istraživanja. Ovo je poglavlje tematski rasloženo te uključuje opis korelacijskih klauza supstitucijskog tipa i korelacijskih klauza nesupstitucijskog tipa. Posebna se pažnja poklanja prvom tipu te se razmatraju supstitucijske nevezničke korelacijske klauze (postmodifikacijsko-dopunske i postmodifikacijsko-adverbijalne) i supstitucijske vezničke korelacijske klauze. Analitički postupak uključuje semantičko-sintaksički opis korelacijskih zavisnosloženih rečenica u bosanskom jeziku na empirijskoj podlozi primjera izdvojenih iz elektronskog korpusa bosanskih tekstova na Univerzitetu u Oslu. U zaključku se sumiraju i koncizno izlažu glavne spoznaje i rezultati istraživanja. Na koncu se donosi popis literature (18 jedinica).

Komisija konstatira da je studentica **Ajla Bešlija** u svome završnom radu obradila odabranu temu primjenom odgovarajućih naučnih metoda te time dokazala da je savladala nastavni plan i program studija, stekla potrebno znanje i osposobila se za njegovu primjenu, kao i da je osposobljena da izvodi zaključke na osnovu postavljenih zadataka.

Na osnovu naprijed iznesenog Komisija smatra da su ispunjeni svi formalni i suštinski uvjeti za odbranu završnog rada, te predlaže Vijeću **Filozofskog fakulteta** Univerziteta u Sarajevu da prihvati ovaj Izvještaj i studentici **Ajli Bešliji** odobri javnu odbranu.

Sarajevo, 19. 11. 2024.

## KOMISIJA

1.


Prof. dr. Halid Bulić

2.

Prof. dr. Ismail Palić

3.

Doc. dr. Azra Hodžić-Čavkić





Obrazac ZR5

Stranica 3 od 3

UNIVERZITET U SARAJEVU – ODABRATI FAKULTET/AKADEMIJU!  
IZVJEŠTAJ KOMISIJE ZA OCJENU I ODBRANU ZAVRŠNOG RADA